

SIARAN MEDIA

**Belanjawan 2025 menyeimbangkan kemajuan ekonomi,
kesejahteraan rakyat dan reformasi fiskal**

18 Oktober 2024, Kuala Lumpur – Belanjawan 2025 menyeimbangkan kemajuan Malaysia dan menjaga kesejahteraan rakyat, disokong oleh komitmen terhadap reformasi fiskal dan pertumbuhan yang inklusif.

Reformasi fiskal menyokong aliran pendapatan kerajaan yang lebih efisien

Fokus pada rasionalisasi subsidi dan memperluas asas cukai mencerminkan langkah fiskal yang berhemah, sekaligus meningkatkan lagi daya tahan negara menghadapi ketidaktentuan global. KRI menyambut baik hasrat kerajaan untuk melaksanakan rasionalisasi RON95 dan menyalurkan penjimatan tersebut untuk memperkuat sektor-sektor penting termasuk kesihatan, pendidikan, dan kesejahteraan sosial.

Pengenalan cukai karbon ke atas tenaga pada tahun 2026 dilihat lebih berkesan berbanding pasaran karbon. Namun, kesan pengenalan cukai ini terhadap kos sara hidup dan daya saing industri adalah bergantung kepada kadar cukai yang dikenakan.

Meningkatkan siling menerusi inovasi dan pengukuhan modal insan

Belanjawan 2025 juga memanfaatkan pelaburan domestik melalui GEAR-uP yang diterajui oleh Syarikat Pelaburan Berkaitan Kerajaan (GLIC) untuk menyokong aspirasi perindustrian Malaysia.

Fokus berterusan terhadap inisiatif latihan, terutamanya penekanan terhadap TVET dilihat telah berkembang meliputi pelbagai sektor penting seperti semikonduktor, robotik, dan AI. Selain itu, tumpuan kepada golongan miskin bandar, komuniti luar bandar, dan belia pribumi akan mempersiapkan golongan rentan ini untuk berjaya dalam ekonomi yang giat berkembang.

KRI juga menyambut baik peningkatan had gaji minimum dan penerbitan garis panduan gaji untuk semua sektor. Inisiatif ini, bersekali dengan pelaburan besar dalam ekosistem perniagaan, merupakan langkah penting ke arah meningkatkan taraf hidup individu serta daya saing perniagaan, sekaligus memastikan kemajuan yang mampan dan saksama untuk Malaysia.

Usaha kerajaan dalam meneraju penggunaan dan menambah baik tadbir urus AI turut disambut baik, termasuk penubuhan Pejabat Kecerdasan Buatan Kebangsaan yang baharu dan Rangkaian Keselamatan AI ASEAN. Penekanan Belanjawan 2025 terhadap keselamatan dalam talian dan keselamatan siber perlu didukung melalui pengukuhan tadbir urus data.

Kemajuan ekonomi tanpa mengabaikan kesejahteraan sosial

Peningkatan Sumbangan Tunai Rahmah (STR) kepada RM13 bilion, bersama dengan bantuan bersasar lain, adalah langkah yang baik untuk membantu rakyat menghadapi kesan rasionalisasi subsidi. Usaha berterusan untuk menambah baik perlindungan sosial kepada mereka yang bekerja sendiri, suri rumah, dan golongan warga emas melalui peningkatan sumbangan kerajaan kepada PERKESO dan KWSP berupaya membantu memastikan kesejahteraan mereka.

Usaha-usaha ke arah memperkukuh kesihatan awam juga dihargai, terutama dalam menaik taraf penjagaan kesihatan; reformasi proses perolehan dan penyampaian penjagaan; serta mempromosikan gaya hidup sihat melalui peningkatan kadar duti eksais bagi minuman bergula.

Secara keseluruhan, KRI melihat Belanjawan 2025 sebagai langkah tepat ke arah pembangunan Malaysia, dengan mencapai keseimbangan antara meningkatkan kedudukan ekonomi negara di peringkat global dan kesejahteraan rakyat.

TAMAT

Untuk pertanyaan media, sila hubungi:

Najyah Johar
Ketua Pegawai Operasi
Institut Penyelidikan Khazanah (KRI)
03-2705 6103
najyah.johar@krinstitute.org

MENGENAI INSTITUT PENYELIDIKAN KHAZANAH (KRI)

Institut Penyelidikan Khazanah (KRI), yang ditaja oleh Yayasan Hasanah dan Khazanah Nasional Berhad, adalah sebuah organisasi bukan berasaskan keuntungan yang ditubuhkan sebagai sebuah syarikat berhad menurut jaminan. Matlamat Institut ini adalah untuk menjalankan analisis dan penyelidikan mengenai isu-isu kritikal negara dan, berdasarkan penyelidikan tersebut, memberikan cadangan dasar yang boleh dilaksanakan. Untuk maklumat lanjut mengenai KRI, layari www.krinstitute.org.

Antara peranan KRI adalah:

- melaksanakan penyelidikan dan analisis yang teliti dan tidak berat sebelah berasaskan fakta dan data
- menganjurkan bengkel, perbincangan meja bulat, persidangan dan ceramah untuk pakar bidang, penggubal dasar, pemimpin pemikiran dan cendekiawan, serta orang awam yang berminat, mengikut kesesuaian
- menjadi pendukung hasil penyelidikan dan cadangan dasar yang dikemukakan.

Ikuti KRI di media sosial untuk mengikuti perkembangan terkini penyelidikan kami:



@KRInstitute



@KRInstitute or www.facebook.com/KRInstitute/



Khazanah Research Institute



@krinstitute

